

Te Houhanga, Tikiwa te Takiwira.

Tihema 3rd, 1911.

Katae mai matou, te roopu wahine o Oturei and Aoroa, ki te marae o te Houhanga takiwa o Takiwira, iraro ano hoki ite mana o to tatou Ariki. Ka hui matou ka poto ki te whare hui.

1. Tuatahi ka whakawhetaitia e Reupena Waitai. Ka mutu te whakawhetai ka tu a Ripeka Mete, ka whakamarama ite ahuatanga otana mahi ki te whakaminenga ara ka kawhau ite tikanga ote ora mote tinana mete Wairua, ara ite turaki ite Waipiro, mete whakamarama ano hoki i te tikanga o te roopu wahine mete kahi hoki i te moni a te roopu ara i te 26 ma te wahine kotahi i te tau. Erua hereni, 2/-, e waiho ita ratou ake peeke. Erima, 5d, ki te peeke o Niu Tireni Kotahi kapa 1st ki te peeke o Ingarangi me te whakamarama ano i te tikanga mo aua moni ara inga take hei paunga mo aua moni.

Ka tu mai a Wiremu Tehau. No te Houhanga nei ahau e whakapai ana ahau ki o kupu katoa e whaka atuatu mai nei koe, me te whakamarama mai i te ahuatanga o te kahi moni me te whakapaunga mo nga moni a te Roopu Wahine. Ka mutu a Wiremu Tehau.

Ka tu mai Te Pouritanga Tehau. No te Houhanga nei ahau. E whakapai ana ahau kito whai korero e koo e Ripeka i te mea he wahine kairama ahau inua, kaati, kahore ahau i kite i te pai o tenei kai o te rama. Hoi ano, taku kite i nga ahuatanga o tenei kai o te rama, he whaka maia i te tangata ki te whakapuaki i nga hiahia ngaro otona ngakau, a he pohauhau noa iho no te ahua o te tangata, kahore hoki he painga o tenei mea o te pohauhau. Kaati, na konei keite whakapai ahau kia kore atu tenei kai te rama e puta ki te iwi Maori. I tae mai a Hoori Kakuere, kikonei, ki roto i tenei whare, ki te kawae mai iaau kupu e korero tja mai na ekoe. I kauwhau ia kia kua tetangata ekai i te rama i te Hikareti Kaati, itango atu ano ahau i ana kupu. Koahau tonu nei te Tumuaki o te Komiti Wahini o konei. Kaati imuri iaia ikaha ano taku pupuri i nga tikanga ara tamatou ta nga Roopu Wahine, o enei takiwa Kaati kua tae mai na koe ki te whaka ara ara i nga, Roopu Wahine, he aha hoki te he ekoe. "Kia Ora" ano ra koe iraro i te Ariki. Ka mutu a te Pouritanga Tehau.

Ka tu mai ano ko Wiremu Tehau. Kaati ekoo e Ripeka ke i te whakapai tonu atu ahau mo te ahautanga o kupu whakamarama, hoi ke i te whakaaro atu ahau inaianei, mo te moni kahi mate mema kotahi o te Roopu Wahine. I whaka aro penei ai ahau, na te nui o te pai, o te marama hoki, o whaka takitaki

i nga take katoa, kua tatu mai nei iakoe kia matou.

Ka tu a Ripeka Mete ki te whakautu i nga whai korero a Wiremu Tehau raua ko te Pouritanga ara ki te whakapai moa raua whai korero.

Ka tu mai a Makerita P. Parae. No te Houhanga nei ahau. E whakapai ana ahau kio korero katoa ekoo, e Ripeka. Kaati, iau, etu atu nei, e whakamarama atu ana ahau kia koe, koahau nei no roto ahau no te Roopu Wahine o Whangarei. I whakaatu atu ai ahau kia koe, henui no te pai o korero, e ako nei koe kia matou. Ka mutu a Makerita.

Ka tu a Ripeka. Kaati ra, "Kia Ora" katoa koutou. Taku kupu kia koutou inaianei. E whakaae ana ranei koutou ki te haina io koutou ingoa mo te Roopu Wahine? Na konei me whakamarama ake ahau i te ahuatanga o te whakahaere mo te huarahi ki nga huinga Roopu Wahine, me te ahua o te whakapaunga onga moni o te Roopu Wahine. Kaati ka tu mai a te Pouritanga. "Kia Ora ekoo." Ke i te whakapai ahau kio korero, e titiro ana ahau ki nga iwi nei, e matakua ana pea, ki te tu ki te korero kei haina pea ka hinga te waipiro, a, kahore nga Maori e tukua ki roto o nga Hotera. Ko nga rongu hoki enei kua tae mai kia matou.

Kaati ka tu a Ripeka Mete. E whaka he ana ahau ki ena rongu korero. Kapenei tonu atu ahau, he teka ena korero. Na nga iwi haurangi, ena korero, kua koutou e wehi ki te pooti kia hinga te Rama. Kei whaka rongu koutou kiena korero.

Ka tu mai a Wiremu Tehau. Kaati ekoo, e Ripeka iau etu atu nei, he whakamarama atu naku kia koe, e tika ana nga rongu korero a te Pouritanga eki i nei. Ki te pooti te Maori kia hinga te rama, ekooe ratou, e takahi atu ki nga Hotera, ahakoa kahore atu he whare moe, hoi ano te whare he Hotera ekooe etukua atu ki roto a taua whare moe ai, kai ai ranei. Na konei to matou wehi. Kaati epenei atu ana ahau inaianei me pehea ranei.

Kaati ka tu atu ko Ema P. Mohi, no Aoroa ahau no te Roopu Wahine o Oturei and Aoroa. I au ka tu atu nei, e penei atu ana ahau kia Wiremu Tehau kei a koutou ano te whiriwhiri motena wahi mo te kahi moni. Ko matou nei kotoku Roopu, na matou ano i kaika te kahi, kaati kahore he whaka kaika atu ia koutou, ma koutou ano te whiriwhiri.

Kaati ka tu mai ko Rapana Tai. No te Houhanga ahau e whaka tika katoa ana ahau kinga kupu a Ripeka. E titiro ana hoki ahau mo nga take katoa kua whakapuakina nei e Ripeka. Kanui ano te whai kupu otatou, kaati kua poto

katoa ia Ripeka te whaka atu atu mai nga take katoa hei tirohanga atu ma tatou.

Kaati ka tu a Ripeka. "Ki te hia hia koutou ki te pataitai, ki te uiui mai kia hau i nga take katoa, kua e wehi ki te patai mai."

Kaati ka tu te Pouritanga Tehau. Ke i te pai katoa otake e whakamarama mai nei hoe. Kaati ra, me waiho maku e whiriwhiri mo te tahi taim, kia tiroiro hoki i te tahi whakamaha mo te tahi Roopu mo matou, i te mea he ruarua rawa matou nga wahine otenei marae.

Ka tu a Ripeka. "Kia Ora" kei te whaka tika ahau ki to whakamarama mai ekui. Me tuku mai e koutou ta koutou whiriwhiri imuri nei. Whai hoki mau ki te Matua hei arahi ia tatou ki te oea.

Ka tu a te Pouritanga. E whakaae ana ahau he tika enei kupu tohutohu au. Me mahara ano ki te Matua nui. Kei mahara ko te turaki anake i te waipiro, mahara ano ki te Ariki.

Kaati ka kii a Ripeka. "Kia Ora" ano tatou iroto i te Ariki. Ka mutu nga korero. Ka whaka whetai tia e Ripeka. - *Amen.*

Na MIHI W. WERIHI,
Tumuaki.

Na te Hekeretari o te
Ropu Wahine,

KARAITIANA,
Oturei, Aoroa P.O.

**Roopu Karaitiana Oturu.
Takiwa o Aratapu.**

Tihema 11th, 1911.

Ka noho to matou Roopu wahine ki Oruariki, takiwa o Aoroa. Te take tuatahi a matou.

1. Ka whaka whetaitia eto matou Tumuaki e Mihi W. Werihi. Ka koreotia konga ritenga mote hunga e huihui ana kinga Karaihe. Timata ite tahi onga rarangi ite rua onga rarangi ka mutu. Ka inia ete tumuaki.

2. Ka tu a Te Rarua, P. Ihaka. He take tuatahi ma tatou kei to tatou tumuaki, raua koto tatou hekeretari.

3. Ka tu a Mihi W. Werihi (Tumuaki) kei to tatou hekeretari ke take kia tatou.

4. Ka tu a Ema. P. Mohi (hekeretari) ka panuitia te Paeroa ate Roopu Wahine Karaitiana. Kamutu te panui ite Paeroa.

5. Ka tu, a Te Rarua P. Ihaka. He kahi ite moni he take ma tatou i tenei taima.

6. Ka hanga ete Hekeretari, te Rarangi ingoa. Ka kohia te moni ate

(Continued page 8.)